



Nannut inunnik, uumasuutinik, atortunik, illunik il.il. ulorianartorsiortitsisinnaapput.
Saassunneqaataasinnaasumik iliuuseqartoqassanngilaq.

Misigisassarsiorusunneq nannunilluunniit assileerusunneq ilinnik, allanik
nannunilluunniit ajornartorsiortitsissanngilaq.

Nannunik nerisitsineq

Nannunik nerisitsineq narassiinissarluunniit mianersoqqussutigineqarput, tassa nannut
inuit tipaat nerisassatut paasisarmatigit. Tamanna kinguneqarsinnaavoq nannut
inoqarfinnut uteqattaarnerannik.

Nannut inoqarfiit avataaniittut

Saassunneqatsaaliorneq pitsaanerppaaq tassaavoq ingalassimaarneq. Nannumik
takunninnermi allamut nuuttoqartassaaq, pisassiissutitalimmik nannunniarneq
ingerlatinngikkaanni. Nannunik takunninnermi Aalisarnermut, Piniarnermut
Nunalerinermullu Naalakkersuisoqarfik (APNN) aamma piniarnermik aalisarnermillu
nakkutilliisoq nalunaarfigineqartassapput. Attavissat quppernermi kingullermi
takuneqarsinnaapput.

Nannumik takunnikkaanni qanoq iliortoqassava?

- Nanoq ingalassimajuk. Allamut nuugit
- Nannumik sumi takunnissimanerlutit sapinngisamik paasisutissat assigiinngitsut
APNN aamma piniarnermik aalisarnermillu nakkutilliisoq nalunaaruteqarit.

Inoqarfinni tamakkulu eqqaanni nannumik arlalinnilluunniit takusinermi
immersugassiaq APNN-ip innersuussutigaa. Ilitsersuutit misissorluarnissaat
pingaaruteqarpoq. Immersugassiaq kommunip allaffianut saaffiginnilluni imaluunniit
ww.naalakkersuisut.gl -imi pissarsiarineqarsinnaapput.

13-10-2015
Sags nr. 7055
Dok. nr. 1342550

Postboks 269
3900 Nuuk
Tlf. (+299) 34 50 00
Fax (+299) 34 63 55
E-mail: apnn@nanoq.gl
www.naalakkersuisut.gl

Nanoqarfinniineq

Kalaallit Nunaani sumiluunniit nanoqarsinnaavoq, kisianni Upernavimmiit avannamut Tunumilu nanoqarnerusarpoq. Kujataani pingaartumik upernaakkut aasakkullu nannunik takunnittoqarsinnaavoq.

Sumiiffinni nannunik akuttunngitsumik takunniffiusartuni atortut nannunik qimaasitsissutigineqarsinnaasut nassarneqartariaqarput nannullu alapernaatsut qanoq qimaatissanerlugit ilinniarneqartariaqarluni.

- Nipituumik suaartarit, nipiliorit anginerusutullu isikkoqarumallutit talitit aalatikkitt. Nannut alapernaatsut qimaatinnissaannut tamanna naammakkajuttarpoq.

Sumiiffinni nannunik takunniffioriaannarni qimaatitsiniarluni aallaanissamut atugassamik qoorortuumik tamatigut nassartoqartariaqarpoq.

Minnerpaamik kal. 30-06, **ajornartoorluinnarnermi** nannumik aallaannittariaqaraanni. Imassat ulamertumik nuullit (soft point) pitsaanerpaajussapput.

Nanoqarfioriaannarni unnuinermi tamatigut pigaartoqartariaqarpoq. Toqqit imatut inissinneqartariaqarput tupeq siniffissaq tuperlu nerisassanik toqqorsivik minnerpaamik 50 meterinik imminnut ungasitsillugit. Eqqaaviit aamma toqqinit siniffissanit nerisassaasivinniillu ungasitsillugit inissinneqassapput.

Sumi tupernaveersaartoqartariaqarpa:

- uukkartartup eqqaani
- maniillaqarfinni (immami sikumi)
- sinerissami qaqqat qooroqarfianni
- eqqaani piseqarfiusinnaasuni
- nanoqarneranik takussutissaqartumi, tumeqartumi, nutaanik anaqartuni siloqartunilu il.il.
- tusaasaqarsinnaanermik annikillisisisuni, assersuutigalugu kuup eqqaani.

Illoqarfiit nunaqarfiillu eqqaanni nannut

Nannut inoqarfinnut qanillattortut aallaasinik aallaalluni, kalerrisaarutit assigisaalluunniit atorlugit qimaatinniarneqassapput. Atortut savimminernik sanaat assersuutigalugu igat matui nipiliuutigalugit nannut qimaatinniarneranni aamma atorneqarsinnaapput. Umiatsiaaqqat, qamuteralaat ATV-lluunniit nannut qimaatinniarneranni atorneqarsinnaapput. Tamanna nipaatumik eqqissisimasumillu ingerlanneqassaaq (tiimimut kilometeriluinnaat). Nannut kiaguleriataartarsinnaapput.

Illoqarfiit nunaqarfiillu iluini aallaasinik atuinissaq inerteqqutaammat, nannup ataatsip arlallilluunniit illoqarfik nunaqarfilluunniit qanillartulerpassuk, politiinut kommunefoged-imulluunniit saaffiginnittoqartassaaq. Aammattaaq APNN-i attavineqassaaq.

Nanoq imaluunniit nannut arlallit illoqarfiit nunaqarfiilluunniit avataanni qimaasinneqarpata APNN sumiiffimmilu piniarnermik aalisarnermillu nakkutilliisoq attavigineqassapput.

Qanorluunniit pisoqaraluarpat APNN, Politiit, sumiiffimmi piniarnermik aalisarnermillu nakkutilliisoq aamma kommunefogedi nalunaarfigineqassapput.

Inoqarfiit iluanni "nannut ajornartorsiutaasut"

"Nannut ajornartorsiutaasut" imatut paasineqassapput qimaatinneqartaraluarlutik inoqarfinnut uteqattaartartut.

Toqutsinissamik akuerissuteqarneq


Nannunik ajornartorsiutaasunik toqutsineq **taamaallaat** APNN-imit akuerineqarnikkut pisinnaavoq. Nannunik toqutsineq periarfissat kingullersarissavaat, tamannalu pisariaqarnersoq APNN pisumiit pisumut naliliisassaaq.

Toqutsinissamik qinnuteqarneq APNN-imut saaffiginnissutigineqassaaq aammalu uppersaateqarnissaq immikkuualuttunullu paasissutissiinissaq pisariaqarluni.

Assersuutigalugu:

- Ajoqusikkanik assilisat,
- isiginnittut eqqartugaat, nassuiaatigisaat
- Nannunik nannunilluunniit toqukkusutanik assit.

Politiit, kommunefogedi imaluunniit piniarnermik aalisarnermillu nakkutilliisoq aallaaviusumik toqutsisuussapput.



Nannunik umernissamut inassuteqaatit (pissarsivik: www.syssemmannen.no)

Nannunik toqutsisariaqaraanni qanoq iliortoqassava?

- Pisumi immikkoortualuit paasisutissiisutigalugit piniarnermik aalisarnermillu nakkutilliisoq aqutigalugu APNN piarnerpaamik nalunaarfigiuk.
- Malugiuk nannunik toqutamik tunniussinissaq pillugu ilitsersuuteqartoq. Suliamik suliarinneqqinnissamut APNN akisussaasuvoq.

Nannut piaqqat aamma nannut ukiukitsut pillugit immikkut

Piaqqat arnavissallu eqqissisimatitaalluinnarput, tak. nalunaarut atuuttoq.

Nannut piaqqat pisini ukiukut piaqqiarineqartarput, ilimagineqartarporlu tamanna 1. januaarip missaani pisartoq. Piaraq ukiut marluk missaanni utoqqaassuseqaleraangami arnavissamit qimagunniarsarilersarpoq. Arnaviaanersoq angutivianersorluunniit apeqqutaanani arnavissatut angitigingajattarpoq.

Allatut oqaatigalugu: Piaraq arnavissatut ANGITIGINNGIKKUNI ukiup ataatsip missaanni utoqqaassuseqartarpoq, NAMMINEERSINNAANANILU.

Pamiuaniit qingaanut 1 meterip missaani angitigiguni ukiup ataatsip missaanni utoqqaassuseqassaaq, ilimanarluninilu nammineersinnaanngitsoq. Nikorfaarnani 1 meterit missaanni portussuseqaruni 1,5 – 2 meterit missaanni angitigissaaq ukiullu

marluk utoqqaassuseqareersimassalluni immaqalu
nammineersinnaalereersimassalluni.

Ilimanarneruvoq nanoq paraq inunnut qanillattussasoq. Piniarnissamik
misilittagaqanngillat akuttunerusumillu sakkortuumik kaattarlutik. Nannut piaqqat
akerlianik qimaatikkuminarnerusarput.

Nannut angutivissat arnavissallu angissusaat ukiuni siullerni ersarissumik
allaassuteqarneq ajorpoq. Marsimi-apriilimi qingaaniit pamianut uuttoraanni ukiumik
ataatsimik utoqqaassusilik Kalaallit Nunaanni 147 cm missaanni angitigissaaq, ukiunillu
marlunnik utoqqaassusillit 172 cm. missaanni angitigissallutik. Ukiunik marlunnik
utoqqaassusillit arnavissatut angitigingajattarput.

(Pissarsivik:
Pinngortaleriffik)

| | By | Jagtbetjente | lokal nr. | Mobil nr. | Iridium nr. | Navn | E-mail |
|--------|------------------|--------------------------|-----------|-----------|--------------------|------------------------|--|
| 345384 | Nuuk | Jagtbetjent | 5384 | 487368 | 00881 641425140 | Per Nukaaraq Hansen | pnh@nanog.gl |
| 345358 | Nuuk | Jagtbetjent assistent | 5358 | | | Adolf Holm | adho@nanog.gl |
| 345382 | Sisimiut | Jagtbetjent | 5382 | 528554 | 00881 641425128 | Hanseeraq Mølgård | hansm@nanog.gl |
| 345391 | Maniitsoq | Jagtbetjent | 5391 | 520929 | 00881 641425130 | Jakob Heilmann | jahe@nanog.gl |
| 345394 | Maniitsoq | Jagtbetjent assistent | 5394 | | | Morthen Lyberth | moly@nanog.gl |
| 345368 | Ilulissat | Jagtbetjent | 5367 | 546619 | 00881 641425137 | Ole Jerimiassen | olej@nanog.gl |
| 345369 | Ilulissat | Jagtbetjent assistent | 5369 | 523692 | | Anthon Petersen | ante@nanog.gl |
| 345396 | Upernavik | Jagtbetjent | 5396 | 522160 | 00881 641425129 | Niels Hansen | niha@nanog.gl |
| 345398 | Upernavik | Jagtbetjent assistent | 5398 | | | Thomas Petersen | thop@nanog.gl |
| 345395 | Uummannaq | Jagtbetjent | 5395 | 549728 | 00881 622450777 | Anthon Zeeb | azee@nanog.gl |
| | Ittoqqortoormiit | Jagtbetjent | | 599396 | 00881 614882271 | Erling Madsen | erm@nanog.gl |